

КОМИ РЕСПУБЛИКАСА КОМИ КЫВ КОМИССИЯЛӨН

2011 вося косму төлысь 28 лун

10 №-а

СЁРНИГИЖӨД

Волісны: Марков В.П., Козулина С.Г., Цыпанов Е.А., Безносикова Л.М., Коснырева Е.Г.

Видлалісны да сөгласуйтісны Коми Республикаса Оланподувлысь 63 статьяса о-т пунктъяс да 64 статья:

о) ёрд тэчас; прокуратура; уголовной, уголовно-процессуальной да уголовно-исполнительной оланпастэчас; амнистия да мылыштөм; гражданской, гражданско-процессуальной да арбитражно-процессуальной оланпастэчас; морт вежөр-мывкыдөн чужтөмторйөн инөд серти веськөдлөм;

п) федеральной коллизийной инөд;

р) поводдя төдмалан служба, стандартъяс, муртөг, муртас тэчас да кад арталөм; мусяр пертас туялөм да мусерпас тэчөм; иннимьяс сетөм; официальной статистика да бухгалтерия серти арталөм;

с) Россия Федерация каналан наградаяс да почёт нимьяс;

т) федеральной каналан служба.

Россия Федерация веськөдланторьяс кузя пыртөны федеральной оланподув оланпасьяс да федеральной оланпасьяс, кодъяс веськыда инмөны Коми Республикалы.

64 статья

Россия Федерациялөн да Коми Республикалөн өтувья веськөдланторьяс:

а) Коми Республикаса Оланподувлөн, Коми Республикаса оланпасьяслөн да мукөд нормативной инөда актлөн Россия Федерацияса Оланподувлы да федеральной оланпасьяслы лөсялөм;

б) мортлысь да гражданинлысь инӧдьяс да вӧля дорйӧм; этша лыда войтырсикасъяслысь инӧдьяс дорйӧм; законносът, инӧда арт, войтырлысь ӧпастӧмлун видзӧм; суйӧрбердса оланног;

в) му, му пытшкӧс, ва да ывлавывса мукӧд озырлун кутанног да наӧн вӧдитчанног;

г) канмулысь эмбур стӧчмӧдӧм-торйӧдӧм;

д) му озырлунӧн вӧдитчӧм; вӧр-ва, сынӧд да гӧгӧртаслысь сӧстӧмлун видзӧм; торйӧн видзана вӧр-ва мутасьяс дӧзьӧритӧм; история да культура памятникьяс видзӧм;

е) челядьӧс быдтӧм-сӧвмӧдӧм, велӧдӧм, наука, культура, мортӧс ёнмӧдӧм да спорт;

ж) йӧзлысь дзоньвидзалун видзан удж ладмӧдӧм; аскотырӧс, мамӧс, айӧс да челядьӧс дорйӧм; йӧзӧс социальнӧя дорйӧм, тшӧтш и социальнӧя могмӧдӧм;

з) виччысътӧм неминучаяс, ускӧттьӧлы, пӧрӧслы паныд удж, на понда лоанторьяс бырӧдӧм;

и) Россия Федерацияын вот да ӧктас индан да чукӧртан ӧтувья подувьяс лӧсьӧдӧм;

к) административнӧй, административно-процессуальнӧй, удж, аскотыр, оланін, му, ва, вӧр, му пытшкӧс, вӧр-ва да сынӧд видзан оланпастэчас;

л) ёрд да инӧд видзан органьясса уджалысьяс; адвокатура, нотариат;

м) этша лыда этнической котырьяслысь нэмӧвӧйся оланін да налысь оласног дорйӧм;

н) каналан власът органьяслысь да меставывса асвескӧдлан органьяслысь тэчас котыртан ӧтувья подув лӧсьӧдӧм;

о) Коми Республикалӧн войтыркостса да экономикаын ортсыса йитӧдьясӧн ладмӧдӧм, Россия Федерациялысь войтыркостса сёрнитчӧмьяс олӧмӧ пӧртӧм.

Öтувъя веськөдланторъяс кузя йөзөдсьöны федеральной оланпасъяс,
кодъяс серти Коми Республика вынсьöдö ассьыс оланпасъяс да пöртö найöс
олöмö.

Комиссияөн веськөдлысь

В.П.Марков

Комиссияөн веськөдлысьöс вежысь

С.Г.Козулина

Кывкутысь секретар

Е.Г.Коснырева